

Pan

üna lavur da video da flurina badel

2011, 7 minuts purtret e tun

«Cuorra. Cuorra davent. Tü cuorrast d'üna stanza in tschella. At zoppast suot il let. Tegnast il flà. Strettezza. Puolvra. Süuors. Pass greivs s'approzman. Tü serrast ils ögls. Mans at tschüffan, at stiran suot il let oura. Il pullover s-charpa. Dainta sgrafla tia tatona. Ils mans intuorn teis culöz schmachan – stranglan. Tü at stordschast, stirast, survainst ün puogn aint pel magun. Tü sbrajast, mordast, survainst schleppuns. Tü zappast culs peis sün peis. Rivast da't far liber. Cuorra. Cuorra davent. Tü cuorrast tras il suler. Tü dodast sadajar davo tai. Vezzast la s-chala. Teis mans frenan. Ün stumpel. Srantunar. Tü sfrattamast giò pels s-chalins. Croudast cul cheu sül puntin. Sang d'nas. Pajada aint per las costas. Teis mans davant tia fatscha. Pajada aint pel cheu. Sang our da las uraglias. Ils mans tschüffan tia chavlüra. Scanizzata. Ün squass at doza, at struozcha, at stira sur il fuond da lain, sur il s-chalun da la chadafö, at schlavazza là sül fuond da crap. Teis corp – ün burlun suord, orb, müt; schirà.»